

Ленинэнь Киява

ВЛКСМ-нь Мордовской обкомонть ды Саранскоень ошонь комитетэнь газетаст

ДЕКАБРЯНЬ

26-це ЧИ

1937 и о

№ 146 (825)

ЛИСИ: 7-це ИЕ
ЧИНЬ ЮТАЗЬ

Ленин



Советской Украинань комсь иетне

— Михаил Кольцов —

Комсь иеде икеле украинской робочейтне, крестьянтнэ, солдатнэ провозгласили Советской власть, кона пингед-пингес полавтызе угнетательтнень эксплуататортнень, помещиктнень, капиталистнень властен гь.

Те чистэнь саезь, васня кровавой виев бороцямосо, мейле калавтозь хозяйстванть кепедеманзо коряс упорной трудсо ды седе тов—социалистической строительствань счастливой иетнестэ, Ленинэнь—Сталинэнь ине партиянь руководстванзо коряс, кемекстась, теевсь Советской Социалистической Украинась, чудесной сюпав масторось—Советской Союзонть а явовикс пельксесь.

Советской Украинань од поколениясь, свободной, виев, од счастливой граждантнэ с трудом могут эстест представить, кодат безграничной страданиясо, нищетасо, лишениясо, кодамо бесправиясо ды рабствасо зрясь сынст народось, кода сонзэ пингед-пингес истязали, кода плодородной, цветущей украинской модась ульнесь валнозь народной верьсэ, ды чись чополгадыль украинской робочейтнень ды крестьянтнень сельмэст, конат кулцильтеь российский ды польской помещиктнень, царской охранкатнень, палачтнень, тюремщиктнень, погромщиктнень пуляст ды батогаст ало. Народной морьтнестэ, украинской революционной ине поэтанть Тарас Шев-

ченконь стихтнестэ запечатлелись неть страшной шкатне.

Российской капитализмась украинской моданть тейнизе царской самодержавиянь бесправной колониякс. Но российской предпринимательтнень жадной кургонтьгак Украинась ульнесь пек покш, аволь пеест коряс, сускомкс. Украинской пролетариатонть ды крестьянстванть эксплуатациясо, масторонть естественной сюпав-чинзэ эксплуатациясо участия примсест омбо масторонь акционерной обществатне. Вейкест-вейкест ютксо соперничествань ветьязь, российской, германской, польской, французской эксплуататортнэ грабасть украинской робочейтнэ ды крестьянинэнь, сонзэ виензэ сайльте Донбассонь шахтатнестэ, Криворожьянь рудниктнестэ, Киевщинань сахарной заводтнестэ, Волыненъ ды Подолиинь паксятнестэ.

Фабрикантнень ды помещиктнень прибылест, сюпав-чист сех покшт ульнесть украинской моданть лангсо. Секс российской ды международной капитализманть ярослест сех виев ульнест сестэ, зярдо Украинанть вельксэ лыйнестэ Советской властенъ, пролетариатонть диктатуранъ якстере знамясь. Секс гражданской войнаны ды омбо масторонь государстватнень интервенциясь Украина-

со ульнест сех пек казямот, бороцямось—сех пек кровопролитной ды кувака шкань.

Кие ансяк эзь ульнэ Украинасо неть иетнестэ, кие ансяк эзь снартне вооруженной кедьсэ покорить Украинской народонть! Германской завоевательтнень полчишатне, франко-английской экспедиционной частнэ, белополяктнень армиятне, сынст продажной прихвостнятне—петлюровско-гайдамацкой бандатне, Деникинэнь ды Врангелень белогвардейской „грабь—армиясь“, махновецтнень, григорьевецтнень тютюниковецтнень хулиганско-бандитской сбродось—весе сын снартнесть каямс ярмо украинской робочейтнэ, крестьянинэнь лангс, таго заковать сынст, конат весть уш сезизь эсист трудовой кедьтнестэ оковатнень.

Украинасо сех стакакс, жестокойкс ды нагойкс ульнест германской империализмань интервенциясь. Германской покш армият эцнесть украинской оштнэс ды велетнест, пансесть робочейтнень ды крестьянтнень аволь пек покш, беряньстэ вооруженной отрядтнень. Штыкенъ вийсэ карикатурной балаганной „правительстватнень“—кода мерить Центральной раданть ды мейле гетманонь—аравтозь, интервентнэ эсист наймитнень, петлюровецтнень ды гет-

мановецтнень лездемасть марто поспешно кармасть Украинанть грабамо ды украинской народонть маштнеме.

Ансяк 1918 иень апрелень 23-це чинь обязательстванть коряс Украинась макссь Германиянтень 60 миллионт пондт суро. Дополнительной обязательстванть коряс Украинанть принуждали Германиянтень максомс эщо 1918 иень урожаенть самс добавочно 75 миллионт пондт суро, 11 миллионт пондт живой скотина, 30 тышат живой реветь, 1 миллион нарумунть, 4 миллионт пондт сахар, 60 тышат пондт ой ды жирт, эрва ковнэ 200 тышат пондт сывелень консерват, 1500 вагонт алт, 2 миллионт 500 тысяч пондт сахарной песок, 20 миллионт литрат спирт. Тедэ башка, германской оккупантнэ сакешнызь Украинасо вирень ды велень хозяйственной весе заготовкатнень, весе чугунокань китнень, донецкой весе шахтатнень ды криворожской рудниктнень Германской оккупационной армиянь эрва солдатось украинской народонть эрва чистэ стиль сырнень вейксэ целковоень питнестэ Украинасо се шкастонть ульнесть 300 тышат германской солдатт!

Германской, польской ды лия захватчиктне, кодак сыльте Украинав, крестьянтнень сеске жо кар-

(Пазз 2-де страницас)

Советской Украинань комсь иетне

(ПЕЗЭ)

мавтылизь модатнень макстнемс помещиктненень, пултнильть, тейнильть куловокс непокорной велетнень, ошонь площадтнень, велень китнень пештильть виселицатнесэ. Интервентнэ арсесть украинской народонть кармавтом верьсэ лепиямо, пульзямс кумажа лангс, покориться капитализмантень. Эз лисел! Украинань трудиятне, эсист оля-чинть кис, национальной праватнень кис, социалистической трудонть кис, большевистской партианть руководстванзо коряс беззаветно бороцязь—изнизь ды ертызь весе интервентнень, эксплуататортнень, угнетательтнень ды палачтнень.

Социализмань построениянь кис гигантской бороцямосонть украинской робочейтненень ды крестьянтнень покш лезкс макссь русской робочей классось ды русской крестьянствась, конань сехте вадра цератне сэрцьек украинской народонь цератнень марто бороцязь ашогвардеецтнень ды интервентнень каршо. Всесоюзной Коммунистической (большевиктнень) Партиясь мужественностэ, кеместэ ветясь руководства те бороцямонть лангсо. Народтнень ине вождьтне, социализмань ине полководецтнэ Ленин ды Сталин лична воодушевляли Украинань трудия массатнень, макссть сынст бороцямонтень весе эсист виест, весе эсист мудростест ды изнямонть железной воляст. Те сынст бесстрашной руководстваст коряс украинской народось пингедепингес ертызе капитализмань игонть, совась счастливой советской народтнень тесной братской семьянтень.

Украинань закабалениянтень бажаз, капиталистической государстватне раскинули эсист агентнень шпионтнень, вредительтнень, украинской народонь врагтнень келей сетень, конат эсертнень, петлюровецтнень, „укапистнень“, „боротьбистнень“, „борьбистнень“ партиантнень ды лия группатнес ды шайкатнес явшевезь, апак лотксе снартнесть опутать, манямс Украинань трудиятнень, предать сынст омбо масторонь капиталонтень. Зярд ашогвардеецтнень ды интервентнень армиятне ульнест уш тапаз ды панезь, зярд социализмась Советской Украина-сонть восторжествовал уш—уничтоженной эксплуататорской клас-стнень охвостьятне, последыштнэ яла эшо снартнесть вредить украинской народонтень, срывать социалистической строительстванть.

Капитализмань, реакциянь, фашизмась весе агентнестэ сехте гнуснойкс, эсинзэ кежтнесэ сехте азаргадозь оказался японо-германской шпионтнень ды машиниятнень кровавой троцкистско-бухаринской бандась. Контрреволюционной буржуазной националистнень марто союзсо те сворась шпионажонь, терроронь, вредительствань методтнэ снартнесть добиться Украинасо капитализмань реставрациянь, отторгнуть сонзэ (Украинанть) Советской Союзонть эйстэ. Тшетно! Сын стувтызь, кода гражданской войнань иетнестэ Якстере Армиянь боецтнэ, Ворошиловонь, Буденноень, Щорсонь питомецтнэ громизь Деникинень, Врангелень, Махнонь бандатнень, германской ды польской оккупантнень! Советской разведкась, наркомвнуделецтнень славной армиясь, сонзэ боевой руководителесь сталинской нарко-

мось Ежов ялгась громизь троцкистско-бухаринской, буржуазно-националистической, германо-польской шпионской пизэнтнень.

Зярд бути угнетенной, нищей, отсталой Украинась цветязевсь, 20 иетнень перть теевсь могучей передовой социалистической велень хозяйства марто мощной индустриальной масторокс, Советской Украинась эсинзэ двадцатилетиянтень сы истят гигантнень красавецтнень марто, кода Днепрогэсэсь, Дзержинской металлургической заводось, Сталин лемсэ Ново-Краматорской заводось, Запорожсталесь, Киров лемсэ Макеевской металлургической заводось, Орджоникидзе лемсэ Харьковской тракторной заводось, Криворожской заводось, социалистической промышленностень пек ламо лият покшт ды вишкинеть, одс строясь ды реконструированной предприятиянтень марто. Советской Донбассось добови уголия колмоксть седе ламо, чем ташто, дореволюционной Донбассось. Кассь Украинань робочей классось. 1913 иестэ крупной промышленностэ ульнест 642 тыщат робочейт, уш 1937 иентэ ушодовомазонзо—1.531.000 робочейт (Украинань весе народной хозяйства-сонть—малав 5 миллионт робочейт!) Робочейтнень ды служащейтнень заработной платы апак лотксе касы. Касыть государствань вложениянзо робочейтнень коммунальной, культурно-бытовой ды санитарной обслуживаниянть весе отраслятнес. Иестэ иес, ковсто ковс кепети робочей классонть жизненной уровенезь.

Велень хозяйстванть коллективизациясь сказочно преобразил украинской веленть. Украинань колхозниктне питневтеме ды пингедепингс получасть 35 миллионт гектарт мода. Кавксоньгеменьде ламо тыщат тракторт сокить УССР-нь колхозной ды совхозной плодородной паксятнень. 20 тыщат комбайнат роботыть сынст лангсо. Тыщат агрономт, велень хозяйствань техникт, полеводт, шоферт лездыть украинской колхозниктненень седе вадрясто обрабатывать эсь модатнень, получаю сынст лангсо яла седе покш ды покш урожай. Зярд бути чопода, бедной украинской велесь валдомсь электрической толтнэсь, мазылгась школатнень, больницятнень, клубтнень, театратнень, эйкакшонь кудотнень, библиотекатнень зданиятнесэ. Сытойкс, зажиточнойкс, веселакс тееви украинской колхозниктнень эрямо.

Замечательной ломанть—промышленностень, земледелиянь, транспортонь, наукань, оборонань геройть—кастась ды воспитал Советской Социалистической Украинась.

Кие аздасынзе лемест знаменитой сталеваронть Макар Мазаень эли пятисотничанть Мария Демченконь, эли машинистанть Петр Кривоносонь, эли академикенть-исследователенть Лысенконь, эли рекордсменанть-летчикенть Полина Осипенконь! Можна евтамс Советской Украинань цератнень ды тейтерьтнень сядот ды тыщат лемть, конат эсь тевсэст ды подвигсэст прогремели весе Советской Союзонть келес.

Пек покш успехензэ украинской культуранть, кода формань коряс национальной, содержаниянь коряс социалистической. Советской властенъ иетнень перть кассь воспитался украинской советской трудовой интеллигенциясь. Кементь

тыщат инженерт, учительт, врач, военной командирт, летчикт, гордость марто мерить эстет советской украинской культуранть питомецт—се культуранть ко-надо царской Россиясо украинецтнень а мерильть мик арсемсак. Литературась, театрась, музыкась, живописесь, кинось украинской народонть историясонзэ келейгась истя, кода зярдояк икеле арасель. Сын занить почетной тарка советской культурань сырнень фондсонть.

Штобу неемс, кода пек васовикелев тусь Украинась эсинзэ экономикасонзэ, культурасонзэ, бытсэнь советской 20 иетнень перть, саты ледстямс, кода эри эшо нейгак Западной Украинась польской фашизманть владычестванзо ало. Западной Украинань миллионт порабощенной робочейт ды крестьянт эрять вачодо, емсять, кулцить безработицадонть, модань аразь-чиденть, капиталистической ды помещичьей эксплуатациядонть. Западно-украинской велесэ сы-вельде умок уш а яртнить. Салось тосо—роскошенъ предмет: салонь секе жо ведьсэнь ламоксть пидить модамарть. Велень продуктатнень лангс питнетне истя прасть, што ловцо литранть кис можна получаю ансяк вейке коробка спичкат. Нищей крестьянтнэ эрва спичканть лазныть колмо пельксэс.

Польской шовинистнэ запрещаю украинской книгатнень, газетатнень, театратнень, вывескатнень, школатнень—5 миллионт украинецтнэс Польшасо ансяк 129 украинской начальной школат—седе аламо, чем советской украинской куш кодамо районсо. Сонсь Украина валось запрещенной польской властенъ эндо. Западной Украинанть сын мерить Мало-польска, — истямо ладсо, кода зярдэ бути русской великодержавной шовинистнэ Украинанть мернест Малороссия...

Ине ды законной гордостесэ, кона марто ваны течи украинской советской народось ютазь кинть лангс, бороцямонь ды трудонь 20 иетнень лангс. Зядро преградат изнязь, зядро крепость саезь, зядро враг тапазь!

Алкукс, врагтнэ эшо оружияст эзизь путо. Сын эшо арсигь войнань теезь, эстет велявтомс Украинань цветия паксятнень, саемс сонзэ могучей социалистической индустриянзо, велявтомс Украинань германской эли польской колониякс, „Мало-польскакс“, „Мало-германиякс“. Сын кучнить Советской Украинаэ эсист агентэст, фашистской шпионт, диверсантт, вредительт, троцкистско-бухаринской террорист. Сын снартнить эзем эсист мерзкой лапаст гра-ничань трокс, колам украинской робочеенть, колхозникенть, интел-

лигентанть мирной трудонзо, споконной счастливой эрямонзо.

Но врагтнэнь весе неть снартнэма, весе происктне ды интригатне обреченнойт провалс. Украинской народось, конань лангсо мудройстэ вети руководства, зоркойстэ вансты извне ды поцто куш кодамо опасностень эйстэ ине Сталин,—тонадсь распознавать врагтнень ды бдительнойкс улеме.

Советской граничатнень ванстомасонть незыблемойстэ, кшнинь стенакс ашти Робоче-крестьянской Якстере армиясь. Сон ертсы врагонть, бути сон саи смел-чи эскельдыамс Советской Украинань рубежтнень трокс, ды карми добывать агрессоронть сонзэ эсинзэ жо территориянзо лангсо.

Советской властенъ карательной органтнэ, конат окружнойт весе трудиятнень, социалистической родинань весе патриотнень вечке-масост ды поддержкасост, сеске расправятсэ куш кинь марто, кие ансяк саи смел-чи каявомс свободанть лангс, СССР-нь народтнень моральной ды политической единстванть лангс, Украинской Советской Социалистической Республиканть социалистической собственностензэ лангс.

20 иень социалистической строительствань завоеваниянтень кемекстамо ды ванстомо те непреклонной волянь украинской народось парсте выразил эсинзэ юбилеентэ ушодомсто. Украинань трудиятне радость марто, энтузиазма марто вастызь ды примизь человечествань историясонть ине документанть—Сталинской Конституциянь, свободной советской народтнень праватнень хартиянь. Украинань советской избирательтне единодушнойстэ, активнойстэ, радостнойстэ молюсь Верховной Советс кочкамотненень ды весе, кода вейке ломань голосовали кан-дидатнень кис, конатнень выставил коммунистнень ды беспартийнойтнень сталинской народной блок-сь.

СССР-нь Верховной Советс кочкамотнесэ Украинанть, кода весе Советской Союзонтькак, голосованязо незтизе мирэнтень, кода ценят социалистической масторонь миллионной массатне эсист общественной строенть, кода сын вечксызь эсист родинанть, кода сын преданнойт ды благодарнойт эсист счасиянь кузнецанть, советской кораблянь ине кормчеентень, украинской народонь верной оянтень, весе народтнень, весе мирэнь трудиятнень ды угнетеннойтнень верной оянтень, учителентень, вождентень—Сталин ялгантень. Советской Украинанть 20 иень юбилеесэ—те сонзэ мудростень, сонзэ твердостень, сонзэ гениальной руководствань од торжества.

Отличниктне анокстыть КОМСОМОЛС

Больше-Березникень район. Шугурова велень средней школань 7-це классонг эйсэ тонавтницятне-отличниктне Кочайкин Андрей, Тюжин Николай ды 8-це классонть эйсэ тонавтницязь-отличниксэс Поляков Василий анокстыть эсь пряст комсомолс совамо.

Комсомольской комитетэсь сы-нест лезды комсомолонь програманть ды уставонть тонавтнема-сонть.

Н. Я.

Анокстасть елкантень

Больше-Березникень район. Парсте анокстазь вастыть од иень елканть Шугурова велень средней школань тонавтницятне.

Елкантень рамсезь налксемат 170 целковоень питне ды эшо сынсь тонавтницятне тейнесть ламо налкшкеть.

Елкась лиссь паро, тонавтницятне учить од иенть.

Пивкин Ф. С.

Украинской народонть праздник

Киев, декабрь 24 чи. (ТАСС) 20 иеде икеле, 1917 иень декабрь 24-це чистэ, панжовсь Украинань Советнэнь васенце съездэсь. Сон провозгласил Украинской Советской Социалистической Республиканы образованиязо. Течи Советской Украинань свободной народось пек покш воодушевления марто празднови славнойте юбилеенть.

Республикань столицась празднично наряжась. Эрьва кува—якстере знамя, транспарант, плакат, лозунг. Кудотне иллюминированнойть ды украшеннойть ине Сталинэнь ды сонзэ соратниктнень портретнэсь.

Ульцятнэсь небывалой оживления. Зэрнить музыкань оркестрань, тейневить танцовань. Пионернэнь дворецэнь ды клубнэсь ульнэсь эйкакшонь утренникт. Якстере армиянь кудосонть ульнэсь теэзь грандиозной вечер.

Декабрь 23-це чистэ оперань ды балетань театрасонть ульнэсь партийной, профессиональной ды комсомольской организациятнень участияст марто Киевской городской советэнь торжественной пленум.

Виев овациянь коряс торжественной пленумонь почетной председателекс кочкась Сталин ялгась.

Украиносо Советской властенъ двадцатилетиядонть докладонть марто выступил УССР-нь Совнаркомонь председателень заместителесь Марчак ялгась.

Пленумось покш под'ем марто кулсоньзе Москов ошонь делегациянь представителень Плетенской ялганть приветствиязо, кона евтась Москов ошонь рабочейтнень, служащейтнень ды интеллигенциянь пел-де пламенной большевистской поздравот Украинань трудицятнень. Пленумонть приветствовали истя жо Молдавиянь, пограничниктнень. Киевень стахановецтнень, Киевской областень колхозниктнень, Якстере армиянь частнень ды интеллигенциянь делегациятне.

Бурной, кувать молиция цяпамотнень коряс пленумось примась приветствия народнэнь ине вождектень Сталин ялганть. Покш воодушевления марто пленумонь участникте кучсь приветствия, Молотов, Ворошилов, Калинин, Нубарь ды Косиор ялгатнень.

Включились сталинской стахановской месячникентень

Маслозаводонь (Саранск) стахановецтнэ ды стахановкатне декабрь 22-це чистэ ютавтсть совещания, косо вопросок аштесь Сталинской стахановской месячникентень анокстамонть Московской рабочейтнень — стахановецтнэнь обращенияст обсуждениясь.

Совещаниясонть стахановецтнэде ды стахановкатнеде ульнэсь 50 ломанть, конатнэстэ кортасть 28 ломанть. Кортницятне пек покш мель марто вастысь Московской рабочейтнень-стахановецтнэнь обращенияст Сталинской стахановской месячникенть являвтомандонть ды максть обязательства, сенень, штобу велькска топавам Сталинской месячникенть стахановской норматнень.

Совещаниясонть васенцекс кортасть стахановской комсомольской бригадань бригадирэсь—комсомолецсь Вильянов Алексей ялгась, кона мерсь, што мон эсинь комсомольской стахановской бригадам марто сех икеле кундан Сталинской стахановской месячникентень ды саян обязательства, штобу монь бригадась сталинской месячникентень лисезь васенцекс Вильянов ялгась тердизе соцсоревнованиясь Вильянов Данилэнь.

стахановской бригадань бригадирэнь.

Сыре кадровой рабочеесь машинистэсь Долгов эсь валсонзо мерсь, што сон карми роботамо честнойстэ, добросовестнойстэ ды карми топавамт велькска Сталинской стахановской месячникенть норматнень. Седе тов кортасть, што парсте роботаць невьсынекс эсинек большевистской партиятень ды народонь вождектень Сталин ялганть преданностенек ды сплоченностенек ды эсинек ударной роботамонок маштынекс весе асатыкстнэнь ды ликвидированынекс вредительствань последствиятнень.

Совещаниясь примась резолюция, косо сермадсть, што сынъ присоединяются Москов кой рабочейтнень-стахановецтнэнь вайгелентень Сталинской стахановской месячникенть являвтоманть, максть обязательства роботамо честнойстэ, ударнойстэ ды топавамт весе норматнень велькска. Кепедемс революционной бдительностень.

Совещаниянь прядомадо мейле явшеть премият, премировасть 21 стахановецт ды стахановкат.

ЭРИТЬ ЗАЖИТОЧНОИСТЭ

Больше-Березникень район. Парсте кармасть эрямо Шугурова велень колхозниктне. Колхозной зажиточностесь, весела эрямось те аволь арсема, те кармасть улеме алкукс-чисэ, те максызе колхозной строесь, колхозной производствасо честной ды добросовестной роботаць.

Абрамов ялгась тедиде семиянекс тейсть 1500 трудочить, 75 цент-

нерт суро получить неть трудочитнень лангс. Абрамовонь семиясь эри зажиточнойстэ, сонзэ паро кудозо, улить скотинанзо.

Истя жо аволь беряньстэ эри Аркайкина О. Ф. колхозницась, сон ансяк съкамонзо получи 8 центнерт суро. Паро роботань кисэ сонзэ премировакшнысь.

Н. Яушкин.


КАСЫЦА ОРГАНИЗАЦИЯ

Больше-Игнатовань район. Атяшева велень первичной комсомольской организациясь парсте аравтызе политико воспитательной роботанть комсомолецтнэнь ды аволь союзной од ломантнень ютксо.

Комсомольской комитетэсь аволь союзной од ломантнень марто тей-

некшны вейсэнъ промкст, косо толковать партиянь ды правительстванть важнейшей решениятнень, ВЛКСМ-нь уставонть ды программанть, секскак ней организациясь касы ды келейгады. Декабрь ковсто комсомолс совасть 4 од церат ды тейгерть.

Н. Гришанов.



Снимкасонть: кудось, конаньсь эрясь, Вологодской ссылкасо улезь, И. В. Сталин ялгась.

Н. Орловонь фотосто рисунка.

Вологда ошсо Осовнахим ульцясо ули кудо, косо 26 иеде тече икеле эрясь икеле ссылкасо И. В. Сталин ялгась. Октябрьской Социалистическый Ине Революциянь двадцатилетиятнень тесэ панжсть Кудомузей. Комнатась, конаньсь эрясь И. В. Сталин ялгась, целанек реставрируется.

Комсомольской организациясь касы ды кемексты

ВЛКСМ-нь Атяшевань райкомонь бюросонть зярый шка роботаць троцкистско-бухаринской шпионизэ Чернобровкин ды Топтыгин, Ахматова велень комсомольской первичной организациянь сынъ калавтокшнысь. Комсомольской организациясь эзь касо, ламо иень перть тосо кодамояк робота арасель. Организациятнень кадовкшность колмо комсомолецт, конат малав кавто иеть эзь пандо членской взност, емавтызь комсомолецтнэнь почетной лементь.

Тунда велентень якстере армиясто сась якстереармеецсь-комсомолецсь Нуждин Алексей. Сон армияв туемадо икеле сермас а содыль, тонавтнемс икеле тензэ эзь савкшно Рабоче-крестьянской Якстере армиясонть Нуждин тонадсь сермас, кепедизе общеобразовательной ды политической уровеньнэнь ды совась Ленинской комсомолонь рядтнэсь. Нуждин сесеке, копа сась кудов ды ваны, што од ломантне ютксо кодамояк воспитательной робота арась, — кармась арсеме сень коряс, кода бу организовамс образцовой, примерной комсомольской организация.

Шгобу арсемеатнень топавамт, Нуждин сюлмавсь эсист велень колмо комсомолецтнэнь марто, конат тонавтиль Вечернейской аволь полной средней школасо ды кизнэ каникуласт ютавтызь кудос. Сынст марто ушодовсь комсомольской организациянь организовамо. Сын од ломантне ютксо комсомолс примизь сех вадратнень, ударниктнень, политически выдержанной од ломантнень.

Вана, комсомолс примазь Лавренин Петя. Сонензэ 16 иеть, тедиде колхозсо роботаць тейсь колмо сядодо ламо трудочить. Истяжо примазь сех вадра од тейтертне Шорина Клавдия, Шорина Вера ды лият. Ней организациясонть 18 ломанть ды тече башка а умок кавто од ломанть таго макссть заявления комсомолс совамо. Комсомольской организациясь касы ды кемексты. Комсомолецтнэ эсист вейсэнъ промкст а пек умок кочкасть комитет ды комитетэнь секретарекс кочкись Нуждин Алексей ялганть.

СССР-нь Верховной Советс кочкамотнэсь комсомольской организациясь примась активной участия. Весе комсомолецтнэ ветясть агитация сень кис, шгобу эрьва трудиясь использовал бу почетной праванзо—примаволь бу участия Советской властенъ Высшей органонть кочкамогнесэ ды максовлизе эсь вайгелензэ минек ине родинань трудицятнень сех вадра

представительтнень кис, Ленинэнь—Сталинэнь партиятнень сехте преданнойтнень кис. Комсомолецтнэнь лездомось невинтнэ эсь результатонзо. Ахматовань весе трудицятне декабрь 12-це чистэ прок вейке ломань якасть избирательной помещенианть ды максызь вайгелест минек масторонь патриотнэнь, партийной ды аволь партийной большевиктнень кис Отто Юльевич Шмидт, Ксения Даниловна Валгаева ды Мария Егоровна Печказова ялгатнень кис. Верховной Советс кочкамотнень шкастонть комсомолецтнэ од ломантне ютксо ютавтсть колмо беседат антирелигиозной тема лангс.

Комсомолецтнэ а беряньстэ кепедить политической эсь уровеньнэст. Организациясонть ули организовазь начальной политшкола, косо тонавтиль весе комсомолецтнэ ды 12 аволь союзной од ломанть. Пропагандистэсь Малофеев ялгась занятият школасонть ютавти ковонзо колмоксть, парсте, толковойстэ евти материалонть. Од ломантне ды комсомолецтнэ ютксо толковакшны партиянь ды правительстванть важнейшей решениятнень. Куроксто прядысь Сталинской Конституциянь тонавтнеманзо. Комсомолецтнэ якстере уголокс организовасть библиотека (книгатнень сайнить районной библиотекасто), косо од ломантне ды колхозниктне сайнить художественной ды политической литература.

Комсомольской организациянь робогасонзо улить зярый эшо асатыкст ды апок тее тевть. Комсомолецтнэ а пугыть эрявикс мель пионерской роботанть, аволь сатышкасто ветить антирелигиозной пропаганда од ломантнень ды колхозниктнень ютксо ды лият. ВЛКСМ-нь райкомось ды васняк сонзэ секретарезь Ащев ялгась организациятнень кеме лезкс эсть максо. Но яла тече неть асатыкстнэ кармить улеме витезь.

Комсомольской организациясь ды сонзэ комитетэнь секретаресь Нуждин ялгась комсомольской задор марго кундасть робоганть вадрылгавтоманть. Нуждин ялгась истя являвтыськак: „Весе виенек путсынекс ды комсомольской организациянок тейсынекс примерной организациакс. Нама, кармить улеме стакаткак, но арасть иетят крепостть, конатнень бу аволизь сав большевиктне“.

П. Кудашкин.

Атяшевань район.

Аволь комсомольской поведения

Больше-Березники район. Шугурова велень средней школасо тонавниятне-комсомолецтнэ Пивкин С. ды Кумаветий А. эсь прят ветить аволь комсомольск.

Сын эсист ялгасть эрва кода дразнить, пеелить, чокшне ланга жо яксить банява, косо истя жо тейнить хулиганской тевть.

Мекс школань первичной комсомольской организациясь неть ялгатнень аволь комсомольской поведениядот а толкови комсомольской промкссо?

Пионер.

Арась кружокт

Ардатовань район. Кученяева велень аволь полной средней школань директорось ды весе преподавательской составось овси а заботить сень кисэ, штобу аравтомс школасонть оборонань роботанть.

Школасонть те шкас арась организованась ПВХО-нь, ГСО-нь ВС-нь кружокт.

Ученик.

Воспитательной роботась стувтозь

Чамзинкань район. Пянгийей велень комсомольской организациясь (комсоргось Федоськин) овси стувтозь комсомолецтнэ ды аволь союзной од ломантнень ютксо воспитательной роботань ветямонть.

Организациясонть ламо комсомолецт ды сонськак секретаресь Федоськин а содасызь ВЛКСМ-нь уставонть ды программанть. Политонавтема, промкст, самодеятельной вечерт ды постановкат а эрсит.

В. Сухарников.

Сон ансяк тапсеме машты

Дубенкань район. Кобай велень клубонь заведующеек роботы Москалев Я. И. Сон политико-воспитательной ды культурно-массовой работа комсомолецтнэ ды аволь союзной од ломантнень ютксо а вети. Клубось сеестэ эрси пекстась. Клубсонть ульнесь радио ды патефон, конатнень Москалев тапинзе ды те шкас яла атак витевте. Москалев машты ансяк эрва мезень тапсеме, но ансякаволь роботамо.

Потешкин.

Колси Сталинской Конституциянт

Сталинской Конституциянь 128-це статьясонть сермадозь седе, што перепискань тайнась охраняется законсо.

Пянгийей велень письмоносецсь жо Г. Т. Турманкин колси Конституциянь те статьянт. Сон панжтнэ ды ловношны велень эриятнень сакшныця серматнень. Аволь умок Саранск ошто сакшность сермат Шольтина ды Торгаева ялгатнень. Турманкин сынст панжинзе ды ловнынзе.

Сталинской Конституциянь колсианть эрви таргамс ответственность.

Комсомолец.

Чамзинкань район.



Китайской армиянь рядтнэнь ютксо, конат бороить японской захватчиктнень каршо, ули студенческой корпус, конанень пурнавозь военной тевенть парсте содыця од ломанть.

Снимкасонть: студенческой корпусонь боецтнэ засадасот.

(Союзфото).

Теруэленть маласо изнявкось—республиканской войскактнень покш качества невтема

Республиканецтнэ сайсть 1500 ламо пленнойть

Восточной (Арагонской) фронтсо республиканской войскактнень наступлениясь тешкстась блестящей изнявксо—фашистнэ пек кемекстась опорной пунктонт—Теруэль ошонть саемасо. Теруэленть ды сонзэ окружающей весе районоть занязь, республиканской войскактне керизь 15-20 километрас фашистской клинэнт республиканецтнэнь боевой линияс.

Центральной (Мадридской) фронтонь Республиканской войскактнень главнокомандующеесь Миаха генералось французской печатень представительтнень яволявтомасонть тешкстась, што „республиканской армиянь изнявксонть значениязо не ограничивается Теруэлень занямонь фактсонть. Те изнявкось невтесть, што минек войскактне могли успех марто выдержать сехте ожесточенной бойтнень. Неть бойтне тешкстызь врагонть армиянзо лангсо республиканской армиянт превосходстванзо, конась (врагонть армиясь) кандсь стака емавкст. Республиканской армиясь невтесть вий, пек вадря организованность ды эсинзэ командованиянь сэрей качествахень.

Меельсь сведенияхень коряс, республиканецтнэ Теруэленть маласо операциянь шкастонть захватили 1500 ламо пленнойть, 15 ору-

дият, ламо пулеметт, ламо винтовкат ды эрва кодат военной снаряженият. Республиканецтнэнь енов ютасть пулеметчиктнень рота ды пехотань рота, конатне ульнесь мятежничтнень теруэльской горнизоноть составсо.

Декабрянь 23-це чистэ фашистнэ тейсть атака Теруэленть районсонть действующей республиканской войскактнень вить флагонтень, конась ульнесь шождынестэ отраженной.

Фашистской самолетнэ вийтеме кежсь, республиканской авиациянт марто вастневатнень эйстэ пелезь, кекшнезь, бомбардировизь участканть, косо ульнесь пурназь ламо ават ды эйкакшт. Счастливей случайностенть коряс, бомбардировкась тейсь аволь пек ламо жертват.

Теруэленть занязь, республиканской Испаниянь героической войскактне продолжают наступлениянт. Войскактнень моральной состояниаст паре. Боецнэ атак вано кавксо чинь наступлениянь результатсо покш сиземанть лангс, отказать свежа частьсэ сынст полавтнеманть эйстэ, сын кадость эсист постонт лангс. Бойтне молить Теруэленть эйстэ запад енов 10-12 километрань турсо.

(ТАСС).

Китайсэ военной действиятне

Декабрянь 23—24-це читнестэ Центральной Китайсэ военной действиятне сех пек мольт фронтонь южной участкасонть—Ханчжоунть эйстэ (Чжецзян провинциянь столица) север ды северо-запад ено. Китайской войскактне путсь динамит Ханчжоунть маласо кшнень сэденть алов, штобу взорвать сонзэ васень жо необходимостенть пингстэ.

Декабрянь 21-це чистэ японецтнэ педе-песпулызь Нанкин Ханчжоунть шоссейной кинть лангсо Танси ошонть.

Декабрянь 22-це чистэ японской 12 бомбовозтнэ ды 8 истребительтне снартнест бомбардировамс Цзянсинь провинциянь столицанть—Нанчан ошонть (Нанкинэнтэ эйстэ юго-западсо). Ошонть маласо японской самолетнэнь вастынзе китайской эскадрильясь. Кошгонь бойдент мейле японской самолетнэ велявтсь мекев. Китайской авиациясонть преследованиянь шкастонть правтозь японской кавто бомбовозт. Китайской летчиктне Нанчансэ, ульнест вастозь покш под'ем марто. Школьникнень толпатне летчиктнень лангс ертнестэ цецят.

Китайской оштнэнь ды велетнень занязь, японской военщинась исключительно зверски расправляется мирной эриятнень марто. Истя, Нанкинсэ иностранецтнэнь яволявтомас коряс, ансяк васень 4 читнень перть японецтнэ маштнест ламо кементь тыщат ломанть. Беженецтнэнь сосредоточениянь районсонть японецтнэ разбортомо маштнест од ломанень группатнень истямо предлогонть коряс, што неть од ломантне—солдатт. Ламо ават сын насилувасть. Ошонь ульцитне пештазь маштнест эриятнень телатнест. Шанхайсэ 4 ковтнэнь перть японецтнэ маштнест 41 тыщад ламо мирной горожант.

Северной Китайсэ китайской армейской частьнень ды партизанской отрядтнэнь соединенной действиятнестэ декабрянь 20-це чистэ саезь Домин ошось (Хэбэй провинциянь южной частьсэ). Шаньдун провинциянь западной частьсэ китайской войскактне декабрянь 21-це чистэ тейсть серьезной поражения японской частьнень Чоагэн ошонь окрестностьнест (Даминэнтэ эйстэ юго-востоксо). Японецтнэнь ютксо маштозь малав 300 ломанть ды ранязь 200.

(ТАСС).

Арась полит-воспитательной работа

Кочкурова велень комсомольской организациясь (комсоргось Фомиин) а вети полит-воспитательной работа аволь союзной од ломантнень ютксо. Зярдояк а эрсит промкст, беседат, комсоргось жо мельсэяк а кирди, штобу таргамс аволь союзной од ломантнень общественной роботантень.

Седеяк беряньстэ аравтозь комсомолс примамонь коряс роботась, те истянт вейкеяк од ломань атак прима комсомолонь рядтнэнь.

Н.

Кочкуровань р-н.

Ответ. редакторонт кис
А. БРЫЖИНСКИЙ

Комсомолец, од ломанть, тонавният, пионер!

1937 иенть прядовоманзо марто прядови „Ленинэнь киява“ газетанть лангс тынк подписканк. Капшад сермадстома 1938 иентень! Сермадстома тынсь, тердеде сермадстома эсинк ялгатнень. Эрва комсомолецсь, эрва од ломанесь ловнозо эсь газетанть.

„Ленинэнь киява“ газетась 1938 иентэнь как карми лиснеме чинь ютазь—ковозонзо 12 номерт.

Сермадстома питесть—1 ковс 60 трешникт,
3 ковс—1 целковой 80 трешникт,
пель иес—3 целковой 60 трешникт,
вейке иес—7 целковой 20 трешникт.

Капшад сермадстома! Подписканть примить весе письмоносецтнэ ды почтовой отделениятне.

РЕДАКЦИЯСЬ.